

Sa banda de su tresette

In su circulu Sardu Su Nuraghe
De su tresete bi had una banda
Naran chest sa prus menzus de s'Olanda
Comente signan a su faghe faghe
Sun tott'amigos foras de sa paghe
Mancu la chircan ne faghen dimanda
S'obbietivu e issos est comunu
De poder arribare a barantunu.

DEROSAS ch'este un'esemplare raru
Lanzu che corru che un'istichinu
A GUIDO CADDEO c'had vicinu
Li faghe fagher sempre su cartaru
Si lu carignad si lu tened caru
C'ha l'ha promissu unu fiascu e binu
Cun sas moinas suas e manias
Li faghe fagher cartas duas bias.

GUIDO narad mi pare chi nono
Chi mi tocchede a fagher cartas deo
Ite ti cres so GUIDO CADDEO
Chi pro s'urtima orta ti perdono
Ma si sighis de goi ti la sono
Dae como a dananti mi b'impreo
Si ti cres tue astutu che grodde
Non creas c'heo sia corpi modale

Deo no mi diverto in cussu logu
Ca GIUANNE DEROSAS m'est contrariu
L'happo de fronte e d'este unu calvari
E po disgrascia cumpanzu e su jogu
Poi mi narad ti brujed su fogu
Si deo li rispondo in modu variu
Si no dao sa carta chi prettendede
Mi garrigad de pestes e m'offendede.

MAURIZIU CHESSA s'inde riede
E bussad isperende e agattre
Sa carta chi GUIDO li ted dare
Cun s'isperanza chi sa bona siéde
Pero GUIDO biéde o non biéde
B'inde dad una po lu cuntentare
Siad issa isbagliada o siad zusta
Li narad non d'appo attera happo custa.

Cando GIUANNE had sa busicca prena
Lassad po pagu su postu vagante
Lo sostituid CARRUS in s'istante
Cun sa solita sua cantilena
Pared unu torero intro s'arena
Cun modos rudes e pagu galante
Intrad grintosu che unu leone
Ma cando perded torrad un'anzone.

Riservas prontas binde hada assai
Cun LUISI PUSCEDDU sempre prontu
E si non fatto errores in su contu
PAOLO SPANU cun FRANSICU USAI
Cun ANGELO DEIANA sempre gai
Cando perded si faghe fintu tontu
Non buffad mai ANGELO DEIANA
Po non pagare nad chi non da gana.

Poi b'had un'ispezia de giuria
Improvvisada pronta a giudicare
E bene preparada a criticare
Su chi suzzedid in sa cumpangnia
Ma non est gai compare PIPPIA
C'ha est solu inpignadu a osservare
No tiffad pro niunu ne confortad
Chie inched op perded no l'importad.

B'est cun pinna e papilu RAGA attentu
E lead nota a chie lu cummandad
Senza mancu finire in presse andad
Comente sas furias de su entu
Subitu torrad in d'unu momentu
Faghed su contu zustu e no s'isbandad
Cussu est su truccu de GIUANNINU RAGA
Narad cun gentilesa buffa e paga.

Fattu su giru s'ultima partida
Ca de finire este arrivada s'ora
Narad DEROSAS un'attera ancora
Ca cando perded pretendet s'isfida
E si puru cuss'attera est perdita
M'abbaidad a tortu a ojos fora
Nende custa disfatta nuda e crua
Est tottaganta dae culpa tua.